

Statüts

Ingìò cha quist statüts douvràn noziuns chi manzunan be la fuorma masculina o feminia , vaglian quellas adüna eir per l'otra schlatta.

Società " Pro Institut Otalpin Ftan / *Pro Hochalpines Institut Ftan* "

1. Nom e domicil

Cul nom " Pro Institut Otalpin Ftan / *Pro Hochalpines Institut Ftan*" exista üna società tenor ils art. 60 e seguait dal Cudesch civil Svizzer cun domicil a Scuol. Ella es politicamaing e confessiunalmaing independenta.

2. Mera ed intent

La società ha sco mera da mantegner e promover l' Institut Otalpin Ftan sco instituziun da scolaziun e da promozion da sport e da la lingua rumantscha in ün intschess rumantsch. Quai our da persvasiun cha l' Institut Otalpin Ftan ha üna valur extraordinaria tant economicamaing, culturalmaing e socialmaing per la regiun Engiadina Bassa, Samignun e Val Müstair.

Ella sustegna ils organs da l' Institut Otalpin Ftan sco eir las instanzas politicas in lur mera da garantir l' andamaint da la scoula e la promozion da la lingua rumantscha e da contribuir ün agüd per procurar ils mezs finazials bsögnaivels.

La società promouva il process da svilup e's sfadia da far lavur publica positiva e perdüraivla.

Implü sustegna la società Pro IOF / *Pro HIF* la promozion da l'attractività da'l internat.

A lunga vista promouva la società progets ed acquists in connex cul andamaint da scoula. La collavurazion cun las societats existentes sco per.ex. Alumni (società dad anterius/as scolar/as) e la società per promouver il sport eui es importanta.

La società nun ha ingüns interess commercials e nun ha ingün scopo da profit. Ils organs lavuran onurariamaing per la società.

3. Mezs finanzials

Per ragiundscher ils böts da la società dispuona la società dals seguaints mez:

- contribuziuns dals commembres
- donaziuns e regals da tuot gener
- entradas dad agens arrandschamaints

L'on da gestiun correspuonda a l'on da chalender .

4. Commembranza

Commember da la società pon dvantar persunas giuridicas e natüralas chi sustegnan e promouvan ils böts da la società.

La suprastanza decida sün fundamaint dad üna dumanda in scrit davart la recepziun.

A regard ils differents imports da las contribuziuns spordscha la società il seguaints geners da commembranza :

- a) commembranza singula , contribuziun annuala 50.- frs. l'on
- b) commembranza da famiglia , contribuziun annuala 75.- frs. l'on
- c) fautur , 200.- frs. l'on o daplü
- d) sponsurs , a partir da 1000.- frs

Mincha commember ha üna vusch a la radunanza da commembres .

Commembers da famiglia e persunas giuridicas executeschan lur dret da vuschar tras ün rapresentant designà per quista funcziun .

5. Fin da la commembranza

La commembranza scada:

- pro persunas natüralas tras sortida , exclusiun o mort
- pro persunas giuridicas tras sortida , exclusiun o dissoluziun da tala.

6. Sortida ed exclusiun

La sortida da la società es pussibla adüna pro la radunanza ordinaria da commembres.

La decleranza da sortida stò gnir drizzada in scrit a la suprastanza almain desch dis avant la radunanza ordinaria . Pel on nizzà nu faja dabsögn da pajar la contribuziun annuala.

La suprastanza po excluder ad ün commember sainza indichar il motivs. La suprastanza decida l'exclusiun ; la persuna exclusa ha il dret da recuors a la prossma radunanza ordinaria.

Interlascha ün commember da pajar la contribuziun annuala eir davò esser gönü admoni, til po la suprastanza excluder.

7. Organs da la società

Ils organs da la società sun:

- a) la radunanza da commembers
- b) la suprastanza
- c) ils revisurs da quint

8. Radunaza dals commembers

L'organ superieur da la società es la radunanza da commembers. La radunanza ordinaria vegn convochada annualmaing avant ils 30.04.

La bannida a la radunanza da la società succeda in scrit , il plü tard 20 dis avant il di da la radunanza , indichand las tractandas .

Invids per e-mail sun valabels.

Propostas per tractandas e man da la radunanza sun d'inoltrar fin il plü tard 15 dis avant la radunanza da commembers a la suprastanza.

La suprastanza o 1/5 dals commembers pon pretender adüna la convocaziun dad üna radunanza extraordinaria in manzunand lur intent, quella sto gnir effectuada infra ils prossems 30 dis davò l'inoltraziun da la dumanda.

La radunanza generala dals commembers ha las seguaintas lezchas:

- a) approvaziun dal protocol da l'ultima radunanza generala
- b) approvaziun dal rapport annual da la suprastanza
- c) tour incunter il rapport dals revisurs
- d) dar dis-charg a la suprastanza ed als revisurs da quint
- e) tscherna dal president o da la presidenta e da l'ulteriura suprastanza sco eir dals revisurs
- f) acceptar il programm annual
- g) decider davart ulteriurs affars inoltrats da commembers o da la suprastanza
- h) reveder ils statüts da la società
- i) fixar las contribuziuns annualas
- j) decisiuns davart recuors d'exclusiuns da commembers
- k) decisiun davart la dissoluziun e la liquidaziun da la facultà da la società

Mincha radunanza da commembers convochada tenor ils statuts es cumpetenta da decider, independentamaing dal nummer dals commembers preschaints.

Ils commembers decidan cun la majorità simpla da las vuschs.

In cas d'egalità da las vuschs decida il/ la president/a.

Decisiuns vegnan trattas avertamaing oter sco scha 1/3 da la radunanza pretenda üna decisiun tras scrutin.

Las decisiuns han da gnir protocolladas .

9. La suprastanza

La suprastanza as cumpuona dad almain 3 fin maximal 5 persunas.

La dürada d'uffizi importa 2 ons . Üna reelecziun es pussibla

La suprastanza evada ils affars currants e rapreschainta la società vers l'extern .

Ella dispuona da tuot las cumpetenzas chi nu sun delegiadas explicitamaing tras ledscha o statuts ad ün oter organ.

La suprastanza as cumpuona da:

- a) president/a
- b) chaschier/a
- c) actuar/a
- d) oters assessur/as

La suprastanza as constituischa svessa cun exepziun dal president / la presidenta

La suprastanza as raduna uschè suvent sco cha las fatschendas pretendan quai. Mincha commember da la suprastanza po convochar üna sezzüda indichand ils motivs.

La suprastanza po eir instituir cumischiuns da specialists implü po ella ingaschar o incumbensar singulas persunas e tillas indemnifar adequatamaing scha quai fa dabsögn per ragiundscher ils böts da la società.

Decisiuns in möd circular (inclusiv e-mail) sun valablas sch'ingün da la suprastanza nu pretenda üna discusiun a bocca

La suprastanza lavura in princip onurariamaing per la società , ha però il dret dad indemnizaziun da las spaisas effectivas.

10. Legitimaziun da suottascriver

La suottascripziun impegnativa ha il / la president/a insembe cun ün ulterieur commember da la suprastanza.

11. Post da revisiun

Il post da revisiun da las finanzas as cumpona our da 2 persunas natüralas o üna persuna giuridica. Il temp d'uffizi düra 2 ons. Üna reelecziun es possibla . Il post da revisiun examinescha la contabilità da la società e rapporta da quai in occasiun da la radunanza da commembers.

12. Responsabilità

Pels obligs da la società garantischa unicamaing la facultà da la società . Üna respuonsabilità persunala dals commembers es exclusa.

13. Dissoluziun da la società

La dissoluziun da la società po gnir decisa dad üna radunanza da commembers cun la majorità da las vuschs dals commembers preschaints.

La facultà da la società vegn surdatta ad üna società deliberada dad impostas cun istessas o sumglaintas meras. Il scumpart da la facultà tanter ils commembers da la società es exclusa.

14. Entrada in vigur

Quists statüts sun gnüts approvats a chaschun da la radunanza da fundaziun dals 14.08.2015 ed aintran in vigur cun quista data.

Lö, data; Scuol ils 14,08,15

Il/ la president/a; Barbla Conrad-Roner l'actuar/a; Seraina Felix- Gallmann

